

**Prvi pojedinačni ugovor  
o isporuci roba za mašine Prinoth i Pisten Bully**

**I UGOVORNE STRANE**

**KJP „ZOI'84“ OCS d.o.o. Sarajevo**

Sjedište: Alipašina bb, 71000 Sarajevo  
Koga zastupa direktor prof. Kenan Magoda  
Identifikacijski broj: 4200347000004  
(u daljem tekstu: Kupac)

i

**SINHRON d.o.o.Sarajevo**

Sjedište: ul.Franje Kluza do br.2  
Koga zastupa direktor Sanida Hrvat  
Identifikacijski broj: 4200012080003  
Transakcijski broj banke, ime i sjedište banke: 1610000001980072 Raiffeisen Bank  
(u daljem tekstu: Prodavac)

**II PREDMET UGOVORA**

Član 1.

Predmet ovog Ugovora je nabavka rezervnih dijelova za mašine Prinoth i Pisten Bully na osnovu okvirnog sporazuma broj: 2591/19 od 01.10.2019. godine i ponude Prodavca broj: 340-T/19-P od 20.08.2019. godine, odnosno korekcije iste u skladu sa izvještajem o toku i završetku e-aukcije od 27.08.2019. godine i novog obrazca za cijenu ponude broj: 340-T/19 –P od 05.09.2019.godine, koji su u prilogu ovog Ugovora i čine njegov sastavni dio.

**III OBAVEZE PRODAVCA**

Član 2.

Prodavac se obavezuje:

- a) da vrši sukcesivnu/kontinuiranu isporuku robe koja je odobrena od strane Kupca u toku provedbe predmetne javne nabavke;
- b) da isporuku predmeta ugovora izvrši sukcesivno u skladu sa potrebama Kupca i to u roku od 15 (petnaest) dana od slanja zahtjeva Kupca ;
- c) robu isporuči u originalnom pakovanju, propisno upakovanu, kako bi se smanjila mogućnost oštećenja prilikom transporta;
- d) da isporučenu robu koja nije u skladu sa traženom, koja ima oštećenja ili vidljive nedostatke ili odstupa od tražene, zamijeni ispravnom u od roku od 10 (deset) dana od dana prijema reklamacije Kupca;
- e) da osigura deklaraciju na svakom pojedinačnom originalnom pakovanju (komadu) isporučene robe koja će biti ovjerena od strane Prodavaca.

#### **IV CIJENA I NAČIN PLAĆANJA**

##### **Član 3.**

(1) Ugovor se zaključuje sa ukupnom vrijednosti u iznosu do **124.257,08 KM** (Slovima: stotinudvadesetčetirihiljadedvjestotinepedesetsedam i 08/100 KM) bez uključenog PDV-a, odnosno **145.380,78 KM** (Slovima: stotinučetdesetpethiljadatristotineosamdeset i 78/100 KM) sa uključenim PDV-om.

(2) Roba iz člana 1. ovog Ugovora će se plaćati prema utvrđenim jediničnim cijenama iz ponude broj : 340-T/19 –P od 05.09.2019. godine koje se neće mjenjati u periodu trajanja ovog Ugovora.

##### **Član 4.**

(1) Prodavac će ispostaviti fakturu nakon isporuke predmetnih roba i kvalitativnog i kvantitativnog prijema istih od strane Kupca.

(2) Kupac će izvršiti plaćanje najkasnije u roku od 45 dana od dana isporuke i dostavljene otpremnice kojom je potvrđena isporuka predmetne robe i fakture Prodavaca.

(3) Mjesto isporuke je fco Bjelašnica.

##### **Član 5.**

(1) Kvantitativnu i kvalitativnu kontrolu robe izvršiće ovlašteni predstavnici obje ugovorne strane. U slučaju da Prodavac Kupcu isporuči robu koja ima nedostataka u pogledu kvaliteta to će se zapisnički konstatovati.

(2) U slučaju da isporučena roba nema tražene kvalitativne karakteristike, Prodavac je u obavezi da u razumnom roku, ne dužem od 10 (deset) dana, a o svom trošku otkloni eventualne nedostatke, kao i da Kupcu nadoknadi štetu nastalu isporukom robe lošeg kvaliteta.

(3) Ukoliko Prodavac u ostavljenom roku ne otkloni nedostatke, Kupac može raskinuti ugovor prostom izjavom volje, u kom slučaju ima pravo na naknadu štete koju pretrpi zbog raskida ugovora.

##### **Član 6.**

Za koordinaciju operativnih aktivnosti na realizaciji ovog Ugovora, na način i u ugovorenim rokovima, imenuju se:

- za Kupca: Nihad Podrug;
- za Prodavca: Sanida Hrvat.

#### **VI STUPANJE NA SNAGU I RJEŠAVANJE SPOROVA**

##### **Član 7.**

(1) Ovaj Ugovor stupa na snagu danom obostranog potpisivanja od strane ovlaštenih lica ugovorenih strana, a zaključuje se na period od 6 (šest) mjeseci, ili do potpunog utroška sredstava iz člana 3. ovog Ugovora.

(2) Utroškom sredstava iz člana 3. ovog Ugovora, ovaj Ugovor prestaje da važi, o čemu Kupac obavještava Prodavaca.

(3) Kupac će predmet nabavke iz člana 1. ovog Ugovora nabavljati zavisno od svojih potreba za vrijeme njegovog trajanja.

#### Član 8.

(1) Prodavac je dužan obavijestiti Kupca ukoliko dođe do eventualnog kašnjenja u izvršenju Ugovora najkasnije u roku od 7 (sedam) dana od dana saznanja.

(2) U slučaju kašnjenja u isporuci roba, do kojeg je došlo krivicom Prodavaca, isti će platiti ugovornu kaznu u skladu sa Zakonom o obligacionim odnosima BiH u iznosu od 1% ukupne vrijednosti narudžbenice po kojoj je došlo do kašnjenja (i u slučaju djelimične isporuke – kašnjenja, kamate se obračunavaju na ukupnu vrijednost narudžbenice), za svaki dan kašnjenja do urednog ispunjenja, a najdalje 10 kalendarskih dana s tim da ukupan iznos ugovorene kazne ne može preći 10% od ukupne vrijednosti narudžbenice.

(3) Ukoliko se tokom izvršenja ugovora utvrdi da je postupak dodjele ugovora zasnovan na značajnim greškama, nepravilnostima ili prevari za koje je odgovoran Prodavac, Kupac može odbiti ili obustaviti plaćanja po ovom ugovoru, zahtijevati povrat plaćenog iznosa ili raskid ugovora u odnosu na obim i ozbiljnost grešaka, nepravilnosti ili prevara.

(4) Ugovorna kazna ne oslobađa Prodavaca od odgovornosti po propisima Zakona o obligacionim odnosima BiH za neispunjenje ili neuredno ispunjenje ugovora, sve do namirenja stvarne štete.

(5) Kupac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati niti ih predvidjeti.

#### Član 9.

Svaka od ugovornih strana može pokrenuti postupak raskida Ugovora ako druga strana ne izvršava preuzete utvrđene obaveze, uz otkazni rok od 15 (petnaest) dana.

#### Član 10.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom ugovara se nadležnost Suda opšte stvarne nadležnosti u Sarajevu.

### VII OSTALE ODREDBE

#### Član 11.

Prodavac nema pravo da u svrhu izvršenja ovog Ugovora zapošljava, fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje 6 (šest) mjeseci po stupanju na snagu ovog Ugovora.

#### Član 12.

Za sve što nije regulisano ovim Ugovorom primjenjivaće se odredbe propisa Zakona o obligacionim odnosima u Bosni i Hercegovini.

#### Član 13.

Punovažne i obavezujuće su samo one izmjene i dopune ovog Ugovora koje su ugovorne strane sačinile sporazumno i u pisanoj formi.

Član 15.

Ovaj Ugovor je sačinjen u 6 (šest) istovjetna primjerka od kojih svaka ugovorna strana zadržava po tri (tri) primjerka.

**Za Prodavca**

**Za Kupca**

---

Sanida Hrvat, direktor

---

prof. Kenan Magoda, direktor

Datum: \_\_\_\_\_ 2019. godine

Datum: 22.10.2019. godine

Broj:

Broj: 2862/19